

Kurzer Eingang/in die

dienstlich/die sich dann / dieselb zu lernen vnnnd darinn zu vben / vor allen dingen befleissigen sollen/damit sie ihnen selbst/vnd andern nuß schaffen/vnd schaden verhüten können.

Dann durch gemelte Kunst des Probirens / vnd darauß erfolgten Nuß / viel feiner gewaltiger Berckwerck auffkommen seyn / die sonst noch verborgen legen / viel Stätt vnnnd Flecken erbarvt/Land vnnnd Leut vermehrt / in auffnehmung kommen vnnnd erhalten / auch grosse wichtige Handthierungen vnd gewerb/mit Golt/ Silber / Kupffer vnnnd andern Metallen/hin vnd wider in Landen getrieben/vnd die Commercias vermehrt worden/wie dann gleicher gestalt bey den Münzwercken / da auß Golt vnnnd Silber/Gelt gemacht wirt / das Probirn neben den scharffsinnigen darzu gehörenden Rechnungen / keines wegs entrachten / sondern zum höchsten nothwendig ist.

Was ein Probirer darvon zu erwarten.

So haben auch alle die jenigen so sich des Probirn befleissen / vnnnd dem gründlich vnnnd fleissig nachgetrachtet / bey Fürsten vnnnd Herren/ auch bey namhaftigen Communen , nicht allein grossen Danck verdienet / sondern seynd auch herfür gezogen / vnnnd für andern wol begabt worden.

Vber diß ist diese Kunst ein anleiterin vnd ein gebererin vieler anderer ehrlicher/vnd nützlicher sachen/also wie es die Erfahrung gibt/ je lenger man der nachsucht/je lenger sie einem nach zusuchen verorsacht.

Was einem Probirer zu wissen von nöthen ist.

Erkenntnuß der Metallischen Erz vnd Berckarten von nöthen.

Erstlich vnd zum fürnembssten / die Erkantnuß der Metallischen Erz / vnnnd Berckarten / Nemblichen wie ein jedes / von dem andern/der Gestalt vnnnd Farb nach/zu vnterscheiden/welches gleichwol ohne sondern grossen fleiß / vnnnd tägliche vbung / nicht geschehen kan / Dann Gott der Allmächtige Schöpffer / der im Anfang der Schöpfung der Welt / neben andern Creaturen auch die Mineralia in die Gebirg / Klüfft vnnnd Gäng gelegt/vnnnd wachsen hat lassen / der hat ihnen allen vnd einem jeden insonderheit/ sein euserliche Gestalt vnd Farb geben/darbey man eines für das andere / vnterschiedlich vnnnd wol erkennen kan.

Erkenntnuß vnd regierung des Feuers in acht zu haben.

Zum andern die Erkantnuß des Feuers / das dann auch ein fürnemmes vnd nothwendigs stück ist / damit er wisse dasselb zu regiren/vnnnd daß er keinem Metall im Feuer / vber seine notturfft zuviel thue / sondern

ndern